

CANTIC

EVIT

BREURIEZ AR FEIZ.

Var don : *Santes Mari, Mam Doue.*

Pe var don : *Quelven.*

Tud ar broiou pell o c'houlen sicour digant

Breuriez ar Feiz.

1

C'hui pere so christenien

Ha na glevit-hu quet

Eur c'hri zo leun a anquen,

Euz pevar c'horn ar bed :

Selaout oll hor peden,

Hor c'hlemou truezuz;

Selaout petra c'houlen

Ho preudeur malheüruz.

DISCAN.

Breudeur, ni glev ho clemou

Euz an tu all d'ar mor ;

D'ho mouez, ha d'hoc'h ezomou

Hor c'halon zo digor :

Ni a roio aluzen

Evit sicour ho pro ;

Ni a savo beleyen

Ha deoc'h ni o c'hasso.

Christenien a Vreiz-Izel,
Ho pet truez ouzomp;
Ar joaüsted eternal,
An Ee a c'houlennomp :
Rac ni zo var an douar
Tud paour hag emzivad;
N'anavezomp, c'hui her goar,
Na Jesus, nag he dad.

3

Gueich-all, pell euz sclerijen,
Pell euz lezen Doue,
Er memez tevalijen
Ho pro a oa ive :
Mil bennoz d'an Ebestel
Ho deuz ho quelennet;
Grit quement-all, tud fidel,
Bremant en hon andret.

4

C'hui breman so evuruz
P'oc'h euz ar sclerijen
Ar feiz tenzor preciuz
A zo deut ho loden.
Mæz ar sclerijen gaër-se
Alfe disparissa
Ma na zeu ar garante
En ho touez d'he maga.

5

M'an deuz Jesus promettet
Ne ancounac'ho quet
Eur verennad dour roët
D'ho preur en he zec'het,

Petra dalvo, christenien,
Ar guennec binniguet
Gant pini da virviquen
Eneou vo prenet.

6

Ah! Doue da rei calon
Ha nerz d'ar missionner,
Joa ha consolation
En he boan ha miser!
Deoc'h ive bennoz Doue,
Deoc'hu oll, christenien,
A ræi gant guir volonté
Ho quennec d'hor souten!

7

Deut eta, belec iaouanc,
Quittaït bro, mam ha tad,
Daoust d'an daëlou ker stank
A scuill ho taoulagad;
Deut, *saëou-du* Breiz-Izel
Hast hon euz d'ho clevet
O prezeg an Aviel
E bro ar baïanet.

8

E fleuren ho iaouanquiz
Cals ama renq mervel;
Mæz ho ene a c'houniz
Ar vuhez eternal.
Roudou ho zreid binniguet
Chom merquet en hon bro :
Ra zeuio c'hoaz Bretoned
Cals c'hoaz henvel outo!

Tud fidel, a vir galon,
 O velet hor poaniou,
 Sicourit hor mission,
 Savit deomp-ilizou;
 Digassit ar scol gristen
 Deomp ha d'hor bugale;
 Ni bedo evit goulen
 Varnoc'h bernoz Doue.

10

Ha c'hui (*), escop binniguet,
 Ganet e Breiz-Izel,
 Gant ar maro discaret
 E creiz ar broiou pell;
 Euz ar Baradoz pedit
 Vit Breuriez ar Feiz;
 Digant Mari goulennit
Ma cresco c'hoaz e Breiz!

(*) An aotrou Pellerin, escop Bibloz, guinidic
 eus a Guemper.

Imprimatur ut in ecclesiis cantetur.

20^a Maii 1864.

† RENATUS, Corisop. Episc.

— PROPRIÉTÉ —